



Ai 09.05.2010 él gnü sughé la quinta partida por La Val cuntra Niederdorf, in óiasa. Do da la pordüda cuntra San Martin por 1 : 0 ne é nia plü stada buna la squadra da La Val da oje la plata y porté na vitoria. La partida é jüda fora 1 : 0 por Niederdorf. Cun chisc trei puné lasciá sön trü resta La Val al 5. post . Ince sce le temp ne ê nia cis bun, êl impó en grüm de jent a ciaré pro. Scualificá é le alenadú Scalzini Marco y Ploner Werner. La partida ne met nia man bun por La Val. Niederdorf rōia atira do da 2 min a na conclujiun, mo por furtüna ne rōia le pal nia te porta. La difesa da La Val ne é nia buna da calcolé i lanci luné di avversars, insciö mess Vallazza Merch gni fora deplü iadi fora dl'area a trá dmez le pal.

Sön la terza uscita, röiel fora massa tert y le atacant dl Niederdorf é bun da ti tó le pal y pó insciö apogé le pal te porta, purtan le Niederdorf in vantaje. Chesc gol ti taia ciamó deplü les giames a La Val, che ne é nia bugn da ruvé a conclujiuns. Ala fin dl prüm temp rōia la squadra da La Val bel plan te partida. Le secundo temp é La Val natra squadra, ai é bugn da costruí de beles aziuns, mo le pal ne ó nia jí te porta, sciöche pro San Martin. Rubatscher Florian á deplü oportunités da porte La Val in vantaje. Frenes Michael tira ne bela puniziun, mo le portier é bun dala devié de püch sura la traversa fora. Frenes Daniel á ince na gran ocajiun mo le portier é tres tl dër mumënt, tl dërt post. Kaneider Denis, che é gnü ite ala fin á ince da bela oportunité por seigné, mo la testa vá dlungia porta ia. Ala fin, fesc Niederdorf ciamó na bela traversa sön puniziun. La partida se stlüsç jö sön le 0 : 1 por San Martin.

In cürt ciamó les sostituziuns dla partida:

Al 70° Nagler Max por Verginer Franz

Al 80° Kaneider Denis por Valentin Elmar

Por ciaré ala formaziun y la panchina clicca la foto in injunta.



Por ciaré ala tlassifica y i resultač dles artres partidas clicca. [Resultač y tlassifica](#)

Por ciaré ales foto dla partida clicca. [FOTO](#)